

C O P I A

Lines Sendschreibens/
So von dem Christen Fürsten der Hölle/
dem Lucifer Ermahnungsweiß abgangen ist/ an alle
vnd jede Kipperer vnd Wipperer / daß sie alle wöllen beständig
vnd willig verbleiben/ in ihrem angefangnen/ vnd bißhero wolerprteßlichen
Handwerck der Kipper vnnnd Wipperer/ Kaufscherey vnnnd Tauscherey/
Schacherey vnnnd Schrapperer/ Scholberey vnnnd Schinderey/ Büberey
vnd Dieberey / wie mans weiter tituliren mag / Auch was ihnen zut-
lich für ihre Mühe vnnnd Arbeit immer vnnnd ewig
solte recompensirt werden.


**Allen Kauff vnnnd Handelsleuthen/ Krä-
mern vnd Burgern: Handwercks vnd Bawrsleu-
then/ ja männiglich zur Warnung vnd Nachrich-
tung für die Augen gestellt.**


Durch

Meister Thoni Bauman.



Betruckt im Jahr Christi/ 1622.





Vr Lucifer von Gottes Bgnaden (aber rechter Fürscheidung) Ein Fürst der Welt/ Ein König aller Gottlosen/ vnüberwindlicher Herz des gangen Erdbodens/ Ein Großherzog der Finsternuß/ Erzherrzog des Abgrunds/ Churfürst in Barbaria/ Marggraff zu Mecha vund Arabia / Burggraff der Höllen / Erzbischoff aller Kotten vund Secten/ Hoherpriester zu Calicut/ ein Vatter der Lugen/ Verfehrer der Wahrheit/ ein Stiffter alles Vbels/ Beförderer aller Verderbnus / ein Ankläger der Sünder/ abgefagter Feind des gangen Menschlichen Geschlechts/ vnd ein Widerwertiger Gottes vnd aller seiner Heyligen / 1c.

Entbieten euch allen / vnsern Newgebornen/ Außerkornen / allerliebsten vnd getreuesten Freunden vnd Söhnen/ Juden vnd Judens genossen/ Hohes vñ Widerstands/ wie vnd wer ihr seyt / allen willigen Dienst vnd freundlichen Gruß jeder zeit zuvoran / 1c. Freundliche / liebe / ja allerliebste / gehorsame / glürnige/ außgestochene/ abgefeymte / durchtriebene / wolgeübte/ vnvertröfne/ wol vnd hochgeehrte / allzeit willig gestiffene / embsige / häußliche / hochansehnlich / aber nuhn mehr aller Welt bekandte / benandte / beschiffene/ betrogne/ verlogne/ verstoffne/ meinydige/ von

von ewerm Gott abgefallene / Gewissen losse / Gottesvergessene / höllisch / hencfermässige/ vngedenckete/ verstockte/ halbssterige / vnverschembte Schandbuben vnnnd Rammonsknecht / bey vnser Ehrloser / höllischer Bruehaber/ getrewe vnd wol gerathene/ Erzdiebische Ripperer / Wipperer / Schauderer/ Kauderer / Schächerer / Scholderer/ Mauscher vnd Tauscher / Auffstecher/ Münzbrecher/ vnd Talerwäscher / Zungentrescher: Kistenstrieler / Truchenspieler / Spylberschaber / Schächerhaber / vnd vieler andern dergleichen guten Tugenten mehr vndergebne / die ihr alle vnsern geneigten willen vollbringet/ daran ihr vns ein groß gefallen thut / dessen ihr dann auch wider ewig bey vns in gutem bedacht sein solt. Wir köndten nicht vnderlassen euch zuschreiben vnd zuvermahnen / dieweil ihr von disem ewerm löblichen Handwerck der Ripperer / so grossen nutz habt : Dann einmahl habt ihr das Gelt vnnnd ewer Hauß wohlbestellt / eusserlichem Schein nach / Summa Summarum / ihr seyd vnser bester vnd letzte / die ärgste vnd klügste Gottes vergessne Erzdiebische Heler vnd Stehler / so jemals haben gefunden werden mögen/ wie ihr dann dessen/ von allen Englen benandt / verbannt vnnnd außgeruffen werdet: Aber es ligt nichts daran/ dörfte euch das nicht irren lassen / lasset die Psaffen nur schreyen / daß ihnen die Hälß krachen / sie dörfen euch dannoch nicht schlagen / vnnnd es auch nit allzugrob machen / noch einmal sagen wir / kehret euch nicht daran / wir wollen bey euch sein bey Tag vnnnd Nacht/ euch fleißig helfen vnd ratzen. Zu dem/ so habt ihr einen starcken Arm vnnnd Rucken / nemblich das brachium seculare, das ist / vil stattliche vnd hohe Amps Personen vnd Herin/ ja grosse Herren / auff die man sehen muß/ welche es zwar wehren solten/ aber auß lanterm Geiz/ auß vn-

4 fern Eingeben vnd Verbändnuß / ganz verstockter Weiß
 jetzt selbst treiben gestatten / vergunnen vnd darzuhelfen.

Nach dem wir nun von vnsern den lieben vnnnd getre-
 wen / als Edlen vnd Bestrengen Juncker Wolff von Rip-
 perg / Laur von Wipperheim / Mauschhausen / vnd Schol-
 derberg / Fuchs von Greiffhart vnd Hebest / wie auch dem
 Wol Edlen Herrn vnnnd Bruder von Schacherheim vnd
 Münsberg / als Herrn vnd Miterben vnseres Höllischen
 Reichs mit grossen Freuden vnnnd Frolocken vernommen:
 Wohin es endlichen durch ewer geflissene / vnuertröfne
 vnnnd darneben so wol bekandte Dienst / die Sachen mit der
 Mauscherey vnd Ripperey kommen / an dem ihr so lang ge-
 winscher Zeit: Aber mit Fehr vnd Strang / verbottener
 Geltverfälschung / mit lauffen vnd rennen / mit reuten vnd
 fahren / mit schicken vnd flicken / mit auffstechen vnd Syl-
 berbrechen / mit Gschmeid abschmieren / mit Pfening ver-
 fahren / drey vnd Sechßbägnier schmieren / so weit gebracht
 habe / daß wir nun mehr versichert / daß ihr hievon schwer-
 lich werd lassen / darumb dann die Geltsteigerung gar nicht
 fallen wirdt / dardurch dann alle Land ruinirt, vnd verderbt /
 vnd dem von vns verfluchten Teutschland so bald nie mehr
 kan (auff Gottes verhengnuß) vns aber wolgefälligen vn-
 erträglichen Krieg / nicht verherget vnd verderbt / verwäst /
 verbrent vnd zertrent ist worden / daß wirdt doch durch ewer
 Erzdiebische Schinderey / Schacherey / Mauscherey vnnnd
 Tauscherey vollends verderbt vnd außgefogen / Also gar /
 daß sich außser ewer Junfftgenossen / kein ehrlicher vnd red-
 licher Mann mehr wol ernehren vnd erhalten kan. Dem-
 nach welches das fürnembste ist / so thun sich fromme vnd
 einfeltige Leuth / wegen Einführung / ewers gesottenen /
 verbottnen / geferbten / verderbten / vbelformirten vnd lumir-
 nirten

nirten bösen Gelts / auß vngedult vermassen verfluchen vnd
 verschweren / Gott ihren Herrn höchlich erzürnen dardurch
 dann vnser höllisch Reich dappfer gemehree wirdt / dieweil
 sich die Menschen an Gott vnnnd ihrem Nechsten / so hoch
 verständigen vnd vergreifen / welches vns aber ein Herr
 liebende grosse Freud ist / sonderlich aber weil solche ewere
 würdige vnd denckwürdige in ewigkeit vnvergessene Schol-
 berey vnd Schrapperey / meistens theils bey den fürnembsten
 Landen vnd Leuthen vngescheucht getrieben / schleinig vnd
 wol von statten gehet / darzu von solchen Gefellen / die viel
 mehr für ehelich vñ redliche Vberleuth / als für solche Land-
 vnd Leuths verderblichen Erzbuben tollten angesehen sein /
 vnd biß dato erhalten worden ist / für welchen man bißhero
 die Hüt gerückt / vnnnd die Kny gebeuget / vnnnd sie vornen
 an auff Polster gesetzt hat. Der ehrlichen Matronen zuge-
 schweigen / so weiblich auch zur sachen geholffen / mit Milch
 Eyer vnd Käß / Gelt vnd anderer einlösung des kleinen gur-
 ten Gelts / als vmb Wein / Bier vnd Brot / vnd anderer Zu-
 gemüß / wie die Dmeyßen zusammen gerapft / verfleckt / ver-
 mausche / verkipperet / vnd nicht mehr haben an Tag kostern
 lassen. Weil dann nun solche Ripper vnnnd Wipperey von
 obgemelten Leuthen / darzu von lauter Christen (dafür sie
 wollen gehalten seyn) getrieben wirdt / so werden sich die vn-
 getauffte Jaden / vnnnd andere vnglaubige Böcker / daran
 zum höchsten ärgern / vnd in ihrem Aberglauben beharlich
 fortfahren (als welche an ihren Brüdern vnnnd Glaubens-
 genossen nicht also schinden vnd schaben) vnnnd sagen / das
 seynde der Christen Früchte / wir Jaden haben das ehrliche
 Handwerck / weil man vns kein anders treiben leß / biß dato
 allein zu dem End getrieben / daß wir vnser Weib vnd Kin-
 der / vnd vnser Glaubensgenossen ernehren vnnnd erhalten /

vnd der Obrigkeit den vnerträglichen Tribut vnd Zins geben können: Die Christen aber/ bringen dardurch ihre eigne Glaubensgenossen vmb das ihrige / vnn in höchste Armut/ vnd was sie rauben vnd stehlen mit kippem/das behalten sie allein für sich vnd die ihrige: dardurch beharren sie in ihrem vnbusfertigen Leben vnd Vnglauben / vnd fahren also mit Leib vnd Seel fein warm zu / vnn bringen andere mit sich/ welches das aller ärgste / vns aber das wolgefälligste ist / so auß Kipperer entspringen thut. Zu dem/ so habt ihr / durch ewern vnverdroßnen Dienst die sache so weit gebracht / daß nicht allein alles gute Gelt verschwindet / vñ auß dem Landt kompt/ sondern durch ewer Wipperer ein solche vnuersehene vnd vnuerdenkliche / ja vnerhörte Thewrung/ inn ganz Teutschlandt vnd andere Länder eingefallen / darinnen vil Menschen an Gott verzagen vnd verzweiffen / sich selbst oder die ihrige erstechen / erhencken vnn errencken / darzu dann auch vnser wol ansehlliche vnn dapffere Korn Juden reichlich helfen / vnn das beste thun / derowegen sie dann auch in diser Diebszunfft incorporirt, vnn billich oben an gesetzt werden.

Was nun in ganz Teutschlandt für ein vnaußsprechliche Noth (vns zur höchsten / wolgefölligsten Freuden) auß ewerem Erdiebischem Handwerck entstanden / wirdt der Ausgang zeigen/das von vilen Orten/die Seelen hauffen weiß von Kipperer vnd Wipperer zu vns kommen werden / welches vmbständ nit zuerzehlen noth ist / solches alles aber die Erzkipperer / so in hohen / ja höchsten Comando sitzen/vns ganz nutzlich verrichten/ dessen sie erst/ nach ihrem ableiben bey vns in der Höllen sollen belohnet werden. Derohalben O ihr Kipperer vnn Wipperer/ alle Hoch vnn Widerstands/Mann vnd Weib/ja Geistlich vnd Weltlich/ sehet

sehet nur fleissig für / daß ihr hierinnen nichts verfaumet/ vnd das jezige Münzwesen nicht verbessert: sondern Taglich nur ärger machet/ Gott geb man schrey vñ schreib/ klag vnd sag / trucke vnd predige darwider was man wölle/ vnn thät/ als wann es euch nicht angieng/ solches alles soll euch bey vns inn der höllischen Flammen / da wir auch euch eine schöne Münstatt bereiten wöllen/wol belohnet werden/ vnd ihr auch ewig bey vns wohnen vnd Dienst haben solt.

In summa / es ist vnser höchste bitte an euch/ daß ihr inn solchem verzweifflichen Erdiebischem wolerfahrnē Handtwerck emb siglich wolt fortfahren / in ansehung das solches vnwesen / zu mehrung vnser ganzen höllischen Reichs der Finsternuß/gar dienstlich ist/dann kein ärgers/aber vns angenehmers Werck inn der Welt nie ist auffkommen / doch wöllen wir euch auch bey stehen/mit Hülf/Rath vnd That/ so vil wir immer können / damit die grosse beschwerde vnn Veränderung im Teutschlandt also fein fort getrieben vnn erhalten werde / vnd nicht mehr in den vorigen guten vnn alten Wolstandt gebracht werde/damit vnser Reich/darin wir auch ewer stell berent / so zuor nie also besetzt / kein abgang geschehe/welchen Ort wir euch auffhalten/da wir daß euch auff Pöster von Schwebel vnd Pech berent/setzen wöllen. Derowegen trachtet vnd suchet / sinnet vnd erdencket/ allerley newe List vnd Betrug/Beschensserey vnd Finanzerey/Zück vnn Griff/ewern Nächsten nur tapffer zubetrieb/vnd den armen Mann gar zuerderben /damit ewer wolhergebrachte Mauseherey vnd rhumwürdiges Lob bey vns / vnd der Welt noch mehr angenehm werde/vnn nicht in abfall komme / diß alles soll euch allen reichlich vergolten/ vnd in alle Ewigkeit nimmer vergessen werden / welches wir euch schweren alles fest vnd steiff zuhalten in alle Ewigkeit.

Weiter

2

C O P I A Eines Sendschreibens.

Weiter auff ditzmahlen wissen wir euch nichts mehr zuschreiben /
dann daß ihr / wie obgemelt / in ewerem Diebischen vnd Laubtsverderb-
lichen vorhaben beharrlich fortfahret / ewern Gott verschwören / hindan-
setzet / vnd also sein Gnad verscherget / so habt ihr dessen bey dem ganzen
höllischen Reich ein grosses Lob vnd Ehr / dann biß er ewers gleichen
in der Höll noch nte gewesen / noch gefunden worden. Fahret derowegen
fleissig also fort / vnd höret nicht auff / biß vnser Legat Belial zu euch ge-
sandt kommen wirdt / vnd euch die Hals vmbträhret / auch zu vns inn
das höllische Schwelbrinnende Bad vnd Münzstatt führt / welches
so ihr also beständig verbleibet / inn kurzer mit allem ehesten beschehen /
vnd er zu euch abgefertiget werden solle. Es lassen euch auch freundlich /
fleissig vnd dienstwillig grüssen / Nabal der Alt Herr von Mausehau-
sen / Judas der Prinz von Scholderberg vnd Verräthersburg / Schast
von Seigheimb vnd Ripperhausen / vnd Herr Nabal der Jünger vort
Schacherheimb vnd Schrappenhoffen / Whitophel vnd Haman / Cain
vnd Pharao / vnd noch vil grosse Herren / gute Gesellen vnd Höllbrü-
der / so auff euch mit grossem Schmergen warten thun / im warmen
Bad / da wir euch zubereiten sibentausent Schwefelstügel / dreyhun-
dert Rachtflugel / vnd neun vnd neunzig Pechzelten alles zusammern-
gehatt / vnd zu einem Puluer gemacht / mit mehrer Zusatz / nach der
Alchimistenkunst / a. vnser höllischen Zeugkammer gemehret / darmit
solches alles für die Ripperer fleissig solle behalten / vnd ihnen für die
grosse Hiz vnserer Münzwerckstatt / daß sie nicht ersticken biß sie es ge-
wohnen / eingeben werde / welches sie dann lang brauchen sollen vnd
werden. Datum inn vnser Königlich Burg / Mense Septembri
Anno Domini vnserer Regierung im Abgrunde inn Sunfftausent
fünffhundert vnd zwen vnd neunzigsten Jahren.

E. D. B.

Lucifer der Oberste vnd farnemb-
ste Fürst vnd Regent der Höl-
len / c.

